

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqquteqaat:

- 1) Naqinnernik ilisarinnissinnaanngitsuunermut naqissusiinissamut kalaallisut oqaasertalersukkamik misissuutiliornermut suliaqartorneqarnerseq Naalakkersuisunit ilisimasaqarnerpat?
 - a. Taamaappat, misissuut qaqugu naammassilluni atorneqarsinnaalissava?
 - b. Misissuutiliorneq qanoq suliarineqarpa?
 - i. Naqqaneerpiaq suliaq suliarineqarpa? Imaluunniit pioreersumit kalaallisuumut nutserlugu suliarineqarpa?
 - ii. Naqqaneerpiaq suliarineqarsimassappat, taamatut sulineq sumik tungaveqarpa?
 - c. Kikkut misissuisinnaatitaajumaarpat?
 - d. Nuna tamakkerlugu siaruarnissaanut qanoq suliniuteqartoqarpa?
 - e. Misissuutip ineriartortinneqarnera ingerlanneqanngippat, suna tungaviua taamatut suliaqartoqannginneranut?
- 2) Meeqqat atuarfianni 1.-3. Klassemi atuartunut screenerisinnaalernermit suliaq Naalakkersuisut sumut killinnersoq oqaluttuarisinnaavaat? Siunniussallu suuppat?
- 3) Naqinnernik ilisarinnissinnaanngitsunut misissuutiliornermut maannamut aningaasat qassit atorneqalereersimalerpat?
- 4) Kalaallisut naqinnernik ilisarinnissinnaanngitsunik misissuutiliorneq katillugu tamarmi qanoq akeqarpa?
- 5) Atuarfimmi naammagisimaarinninnermut ilinniarsinnaassutsimullu qulakkeerniarlugu sakkussanik piareersaasiortoqarpa?
 - a. Taamaanngippat, sanasoqarpa? Sanasoqassava?
 - b. Qanoq akeqarpa?
 - c. Taamaappat, ilinniartitsisunik pikkorissaasoqarnikuu?

(Inatsisartunut ilaasortaq Najaaraq Møller, Siumut)

Tungavilersuut:

Ukiorpassuanngorpoq naqinnernik ilisarinnissinnaannginnermut suussusersinermut misissuusiorniarsarineq suliarineqarluni ingerlanneqarpoq, sulilu tamanna piviusunngorsimanani. Ukiorpassuarni politikikkikut eqqartorneqartuartartoq maannamut naammassisatuaq Ilinniartitaanermut Aqutsisoqarfimmit saqqummiunneqartutuaq tassaaleqqavoq 1.-3.klasseni atuartunut screenerisinnaalerneq.

Naqinnernik ilisariinnissinnaannginneq pissutigitiuarlugu atuartorpassuit ilinniartitaanermut ikaarsaartinngitsoortarpagut, sakkunik peqartuugutta ingerlateqqissinnaasaraluatsinnik.

Ilinniartitsisorpassuillu qassit atuartuutiminnik ilikkartitsinngitsoorsimasut imminnut anersaaruluuteqarfigisarnerpat, sakkussaqaannginnamillu allatut ajornartumik atuartuutertik ilikkartissinnaasarnagu.

Ukiorpassuarni pilersaarusiortoqarneranik oqalunneq neriorsuinerlu timitalernissaannut utaqquarneq maanna paasisaqarfigisariaqalerpoq suliap sumut killinnera ilumullu suliamik ingerlatsisoqarnera paasissallugu.

Apeqqutigineqartut nutsersimaneri nalornissutigineqassappata kalaallisut allaqqasortaa aallaavigineqassaaq. Apeqqutigineqartut ullut suliffiusut qulit (10) iluanni akeqquneqarput.